

BASES LEGAIS DE PARTICIPACIÓN NO SORTEO 'PROGRAMACIÓN CULTURAL 2024'

1. OBXECTO DO SORTEO

O obxecto do sorteo 'PROGRAMACIÓN CULTURAL 2024' (en diante o SORTEO) é incentivar a participación co fin de promover a marca da Área de Cultura da USC.

2. ENTIDADE ORGANIZADORA DO SORTEO

A Universidade de Santiago de Compostela, con NIF Q1518001A, domicilio social en Colexio de San Xerome, Praza do Obradoiro, s/n e teléfono 881811000, representada polo reitor Antonio López Díaz, é a entidade organizadora do SORTEO.

A xestión do SORTEO realizaraa a Área de Cultura da Universidade de Santiago de Compostela.

2. DATA DE INICIO E DATA DE FINALIZACIÓN

O SORTEO iníciarase ás 20.00 horas do día 10/01/2024 e finalizará ás 12.00 horas do día 17/01/2024.

3. REQUISITOS DE PARTICIPACIÓN E MECÁNICA DO SORTEO

- Poden participar todas aquelas persoas estudantes da USC.
- Os datos que acheguen as persoas participantes deben ser veraces.
- As persoas participantes poden participar no SORTEO as veces que o desexen sempre mencionando perfís diferentes.

O SORTEO ten a seguinte mecánica:

1. Seguir a @cultura_usc en Instagram.
2. Darlle a Gústame á publicación do sorteo.
3. Mencionar/etiquetar o perfil dunha amizade coa que che gustaría ir a un concerto da USC.
4. Cubrir o formulario 'Participa e gaña coa programación cultural 2024'

4. CONDICIÓNS DO SORTEO E PREMIOS

A selección das persoas gañadoras levarase a cabo mediante sorteo cunha aplicación xeradora de números aleatorios, en audiencia pública o xoves 18 de xaneiro de 2024 ás 10.00 horas nas dependencias da Área de Cultura da Universidade de Santiago de Compostela, situada no Colexio de San Xerome, Praza do Obradoiro, s/n, en presenza de persoal da propia Área de Cultura.

As persoas participantes no SORTEO poden facer uso das redes sociais para difundir o SORTEO e incentivar a participación.

A organización do SORTEO resérvase o dereito de eliminar calquera participante se detecta algunha actividade sospeitosa de ser ilícita ou se a persoa gañadora do sorteo non cumpre os criterios marcados nas presentes bases. No caso de producirse isto, a primeira persoa participante suplente determinada polo sorteo ascenderá á posición de persoa gañadora.

Premios e comunicación ás persoas gañadoras

A continuación detállase a listaxe de premios do sorteo: 3 packs da USC (cada pack inclúe mochila, libreta e bolígrafo).

O resultado do SORTEO seralle comunicado ás persoas gañadoras mediante unha publicación no medio dixital de Instagram da Área de Cultura da USC. A organización do sorteo tamén se poñerá en contacto coas persoas gañadoras a través da plataforma de mensaxería privada de Instagram para confirmar a aceptación do premio, que se deberá realizar nun prazo máximo de 24 horas a partir da notificación. Para isto, deberá responder no sistema de mensaxería privada de Instagram e acreditar que cumpre cos requisitos anteriormente descritos.

Se non hai resposta no prazo estipulado, pasarase a seleccionar outra persoa participante suplente.

A Área de Cultura da USC non se fai responsable de non poder contactar coa persoa gañadora e, por conseguinte, que non se lle poida outorgar o premio.

5. LIMITACIÓNS

De evidenciarse que calquera das persoas participantes non cumpre os requirimentos esixidos nestas bases ou os datos proporcionados para participar non son válidos, a súa participación considerarase nula e quedará automaticamente excluída de calquera do SORTEO, perdendo todo o dereito sobre os premios outorgados en virtude deste SORTEO.

Non poderán participar no SORTEO as seguintes persoas:

1. Traballadores/as por conta allea ou empregado/as en calquera das entidades con personalidade xurídica vinculadas á Universidade de Santiago de Compostela.
2. Calquera outra persoa física que participase directa ou indirectamente na organización do SORTEO ou que se involucrase directa ou indirectamente na súa preparación ou desenvolvemento (axencia, provedores, etc.).

Os premios entregados non son transferibles nin susceptibles de cambios, alteracións ou compensacións a petición das persoas participantes e non poderán trocarse por calquera outro produto ou diñeiro.

A Universidade de Santiago de Compostela resérvase o dereito, se concorre xusta causa tras a comunicación previa en forma legal, de efectuar calquera cambio, suspender ou ampliar o SORTEO.

Correrá a conta e cargo das persoas gañadoras calquera carga fiscal ou tributaria que a aceptación do premio puidese suporlle, así como calquera outro gasto derivado da promoción que non estea expresamente asumido pola Universidade de Santiago de Compostela nas presentes bases.

A Universidade de Santiago de Compostela resérvase, no caso de obrigada necesidade, o dereito de substituír os premios por outros de características similares.

6. PUBLICACIÓN DE COMENTARIOS OU OPINIÓNS

Non se permitirán comentarios nin opinións cuxo contido se considere desaxeitado, que sexan ofensivos, injuriosos ou discriminatorios ou que puidesen vulnerar dereitos de terceiros. Tampouco se permitirán comentarios contra un particular que vulneren os principios de dereito á honra, á intimidade persoal e familiar e á propia imaxe. A Universidade de Santiago de Compostela non se responsabilizará dos danos ocasionados polos comentarios que fagan as persoas participantes do SORTEO e que en calquera momento puidesen ferir a sensibilidade doutras persoas.

7. EXONERACIÓN DE RESPONSABILIDADE

A título enunciativo, pero non limitativo, a Universidade de Santiago de Compostela non se responsabiliza das posibles perdas, roubos, atrasos ou calquera outra circunstancia imputable a terceiros que poidan afectar ao desenvolvemento do SORTEO, así como tampouco se responsabiliza do uso que faga a persoa participante ao respecto do premio que obteña deste SORTEO; tampouco asume ningunha responsabilidade por ningún dano ou prexuízo de calquera tipo que puidesen sufrir as persoas participantes, a persoa gañadora ou terceiros.

A Universidade de Santiago de Compostela non asume a responsabilidade en casos de forza maior ou caso fortuíto que puidesen impedir a realización do SORTEO ou do goce total ou parcial do premio. No caso de que este SORTEO non puidese realizarse, ben por fraudes detectados, erros técnicos ou calquera outro motivo que non estea baixo o control da Universidade de Santiago de Compostela e que lle afecte ao normal desenvolvemento do SORTEO, a Universidade de Santiago de Compostela resérvase o dereito a cancelala, modificala ou suspendela.

8. FACEBOOK/INSTAGRAM

O presente SORTEO non está patrocinado, avalado, administrado nin asociado de ningún modo a Instagram/Facebook polo que as persoas participantes liberan a Facebook/Instagram de toda responsabilidade polos eventuais danos que se puideren derivar.

9. PROTECCIÓN DE DATOS PERSOAIS

De conformidade coa lei orgánica 3/2018, de 5 de decembro, de protección de datos persoais e garantía dos dereitos dixitais, e co Regulamento UE 2016/679, os datos serán incorporados pola Universidade de Santiago de Compostela ao tratamento denominado “Actividades culturais”, cuxa finalidade é, entre outras, a xestión de proxectos culturais, incluíndo a súa difusión e divulgación a través de publicacións impresas, web, radio e televisión.

O responsable do tratamento é a Universidade de Santiago de Compostela, cuxos datos de contacto son Praza do Obradoiro s/n, 15782, Santiago de Compostela, protecciondatos@usc.gal. Tamén pode poñerse en contacto co Delegado de Protección de Datos da USC a través do enderezo electrónico dpd@usc.es.

A base da xustificación deste tratamento é o consentimento das persoas interesadas. Non se cederán datos salvo nos supostos de obrigas legais.

As persoas interesadas poden exercer os dereitos de acceso, rectificación, supresión, limitación de tratamento, oposición e portabilidade a través de la sede electrónica

en <https://sede.usc.es/sede/publica/catalogo/procedemento/55/ver.htm>. Tamén poden dirixirse á Axencia Española de Protección de Datos para realizar a reclamación que considere oportuna.

Os datos serán conservados durante o período no que se realice a finalidade para a que foron recollidos, ou o tempo necesario para cumprir coas obrigas legais. Cumprida a finalidade, os datos que non formen parte da prestación do servizo público se bloquearán ata que transcorran os prazos de prescrición aplicables.

A política de privacidade e protección de datos da USC pódese consultar en: <http://www.usc.es/es/normativa/protecciondatos/Politica-privacidade.html>

10. CAMBIOS

A Universidade de Santiago de Compostela resérvase o dereito de modificar ou ampliar estas bases promocionais, na medida que non prexudique ou menoscabe os dereitos das persoas participantes no SORTEO.

11. LEXISLACION APLICABLE E XURISDICIÓN

Estas bases legais rexeranse de conformidade coa lei española. Serán competentes para resolver calquera cuestión litixiosa os xulgados e tribunais que por lei lles corresponda.